

ЗЭВСЭГТ ХҮЧНИЙ АНГИ, БАЙГУУЛЛАГАД МОНГОЛ УЛСЫН ТӨРИЙН ДАЛБААГ МАНДУУЛЖ, БУУЛГАЖ БАЙХ ХҮНДЭТГЭЛИЙН АЖИЛЛАГААГ ЯВУУЛАХ ЖУРАМ

Төрийн далбаагаа мандуулан ажил үүргээ гүйцэтгэж байгаа нь төр, ард түмэндээ шударга үнэнчээр зүтгэж, эх орноо батлан хамгаалах үүргээ ямарч нөхцөлд биелүүлэхэд бэлэн байгаагийн илрэл мөн.

Энэхүү хүндэтгэлийн ажиллагааг дараах журмаар зохион байгуулна:

1. Төрийн далбааг ангиудын бие бүрэлдэхүүн ажил үүргээ биелүүлж байгаа /ангийн байрлал, хээрийн гаралт/ хугацааны туршид ил тод харагдаж байхаар ангийн жагсаалын талбай /хээрийн байрлалд/ тусгайлан зассан тавцан дээр 6-8 метр ишинд бэхэлсэн тусгай зориулагдсан оосроор мандуулж, буулгана.

2. Төрийн далбааг мандуулж, буулгах ажиллагааг зөвхөн байлдааны тугтай ангиуд гүйцэтгэнэ.

3. Төрийн далбааг мандуулж, буулгах үед Монгол Улсын Төрийн дуулал эгшиглэнэ. Төрийн дууллыг үлээвэр найрал хөгжимд болон тусгай бичлэгтэй хуурцаг ашиглан эгшиглүүлж болно.

4. Төрийн далбааг ангиудад өдөр бүр өглөө, орой ангийн жижүүрийн **“Төрийн далбааг мандуул”, “Төрийн далбааг буулга”** командаар жижүүрийн туслах /харуулын/ дарга уг ажиллагааг эхлүүлэх болон дуусгавар болгоно. Анги жагсаж, нэгдсэн тохиолдолд бие бүрэлдэхүүн дээрх командаар Төрийн далбааны зүг хараа гаргаж, хүндэтгэл үзүүлнэ.

5. Жагсаж нэгдээгүй тохиолдолд Төрийн далбааг мандуулж, буулгаж Төрийн дуулал эгшиглэхэд цэргийн алба хаагчид номхон зогсож ёсолно.

6. Бямба, ням гариг, тэмдэглэлт ой баяр ёслолын үед ангийн жижүүрийн дээрх командаар жижүүрийн туслах /харуулын дарга/ Төрийн далбааг мандуулж буулгана.

7. Цэргийн цол олгогдсон, албан тушаалд томилогдсон офицер, ахлагч нар Төрийн далбаанд хүндэтгэл илэрхийлнэ. Хүндэтгэл илэрхийлэхдээ цол олгогдсон буюу албан тушаалд томилогдсон офицер ахлагч нар нэрээ сонсмогц жагсаалын алхаагаар жагсаалаас 3 алхам гарч /“Жагсаалын дүрэм”-д зааснаар/ жагсаал руу эргэн харж зогсоно. **“Төрийн далбаанд хүндэтгэл илэрхийл”** командаар **“Гүйцэтгэе”** гэж хэлээд жагсаалын алхаагаар, эсхүл гүйж Төрийн далбаанд 2-3 алхам дөхөж очоод түүний зүг хараа гарган ёсолж хүндэтгэл илэрхийлээд, эргэж жагсаалдаа командгүйгээр орно.

10. Төрийн далбааг буулгаад тусгай өрөөнд хайрцаг буюу гэрэнд хийж хадгална.

11. Төрийн далбааг ангийн захирагчийн ажлын байранд тусгай сууринд суурилуулсан ишинд бэхэлж байнга байрлуулна. /Энэ нь энэхүү ажиллагааг явуулахтай хамааралгүй болно/.

12. Төрийн бэлгэ тэмдэг /Төрийг далбаа/-ийг гуйвуулан өөрчлөх, устгах, гэмтээх зэргээр гутаан доромжилбол “Төрийн бэлгэ тэмдгийн тухай” Монгол Улсын хуулийн 27 дугаар зүйлийн 2 дахь хэсэгт заасны дагуу хариуцлага хүлээлгэнэ.

Улс орон даяар гашуудал зарлах үед мандаж байгаа төрийн далбааг

“Төрийн бэлгэ тэмдгийн тухай” хуулийн 15 дугаар зүйлд зааснаар 45 хэмээр бөхийлгөх буюу ишний гуравны хоёрт хүртэл буулгана